



Աղբիւրի ալբում. Բախտաւոր մայրը (պատկեր): Ուղի-
ական սէր. փոխադր. Հ. Բաբ.: Բարեսիրտ Պարոյրը. Յովհ.
Ճազարէզեանց: Հաւարտութիւն (Ֆրանսերէնից). Ար. Ամիրեան:
Աստղիկ (ոտանաւոր). Գ. Բաբուրեանց: Մանիշակը (Կովա-
լէսկուց). Սոֆիա Տէր-Ստեփանեան: Գեղջուկի քաղձանքը
(ոտանաւոր). Աշրդ Հազիրի: Թիւրիմացութիւն (Առակ). Ար.
Ատովմեան: X-ին (ոտանաւոր). Եր. Պալեան: Գանձակի շու-
կան Ջատկին. (պատկեր): Հրաշագործութիւնների գիշեր
(ռուսերէնից). Օր. Անահիտ Եզեկեան: Վայելչակազմը եւ Լու-
սագեղը. Հէքիաթ. (կըշարունակի). Եր. Մովսիսեան:

Գ Ի Տ Ո Ի Թ Ի Ի Ն

Բնագիտական գրոյցներ. XII. Ձիւնապատ լեռները չեն
մեծանում: Ե. Թովչեան:

Ա Յ Լ Ե Ի Ա Յ Լ Ք

Սոխակին (ոտանաւոր). Յ. Բաբախանեան: Խեյօքն ու
յիմարը. Յ. Բ.: Պատմեցէք քովանդակութիւնը (պատկեր):

Զ Ի Ա Ր Ճ Ա Լ Ի Ք

Հանելուկներ: Թւաքանական խնդիրներ:

Յոր հրատարակութիւններ:

Յայտարարութիւններ:

ՆՈՐ ՀՐԵՏԱՐԱԿՈՒԹԻՒՆՆԵՐ

Շնորհակալութեամբ ստացանք հետեւեալ նոր գրքերը.

I

Արման Բոգո. «Մկնիկը» (La sou-
riciere). փոքեւի մէկ արարածով:
Փոխադր. ռուս. Ա. Վրոյրի: Միջա-
դիր, 20 էջ: Տպագրւած է սոյն
թւին Բագու, «Արօրի» տպարանում.
գինը 20 կոպ.:


II

Յովհ. Տէր-Միրաքեանց. «Փողովըր-
դի ընթերցանութիւնը». միջադիր,

61 էջ: Տպագրւած է սոյն թւին
Թիֆլիսում, Մ. Ռօստինեանցի, տպա-
րանում. գինը 25 կոպ.:

III

Ս. Ք. «Բոյսերի կեանքը». պատ-
կերներով. (ըստ Ֆիգէյի ու Տիմի-
րեակի): Միջադիր, 32 էջ: Տպագր-
ւած է սոյն թւին Պետերբուրգում,
Յ. Ի. Լիբերմանի տպարանում. գի-
նը 8 կոպ.:





Ազգիւրի աշուն

Բախսաւոր ճաշը

Ապրիլ 1897.



ՊԵՏԿԵՐԱԶԱՐԻ ՄԵՆԿԵԱՆ ԵՄՍԵՐԻ

Եւ յաւելած դաստիարակների համար

XV ՏԵՐԻ № 4 Ե Պ Ր Ի Լ 1897 թ.

Որդիական սեր

Մի երեխայ վա-
զում էր փողոցի մի-
ջով: Յանկարծ նրա
հանդէպ եկաւ մի
սայլ: Երեխան չըտե-

սաւ սայլը եւ ընկաւ
 Նրա տակ: Ակն լան-
 ցաւ երեխայի ոտի
 վրայով եւ ջարդեց:
 Հիւանդին տարան
 տուն:

Նրա մայրը հի-
 ւանդ էր եւ լսելով
 այդ լուրը վախից
 ուշաթափւեց:

Երեխան չէր կրա-
կծու՞մ, երբ ոտը կա-
պում եւ ուղղում
էին:


--Արդեօք ոտդ չէ
ցաւո՞ւմ, հարցրեց
բժիշկը:

--Աւելի քան սաս-
տիկ է ցաւում ոտս,
պատասխանեց երե-

խան. սակայն չեմ
 ուզում, որ մայրս լսի
 կսկիծս. վախենում
 եմ որ աւելի հիւան-
 դանայ:

Փոխար. Հ. Բար.





Հրաւեր զարման

Արի՛ գարուն,
Արի՛ սիրուն,
Եւ մեզ դու բեր
Նախշուն դաշտեր,
Վճիտ առւակ,
Պարզ, սառնորակ.
Անթիւ հաւքեր,
Անուշ երգեր.
Ծաղկունք ու բուս,
Պարզ արշալոյս,
Գառներ, հովիւ
Բոյրեր անթիւ,
Ծառ ու տերեւ,
Պալժառ արեւ:

ՊԵՏ. ՄՈՃՈՆԵԱՆԳ



Բարեսիրտ Պարույր



արնան առաջին օրն էր—մարտի ինն. ես գնացի քաղաքից դուրս զբօսնելու:

Մեր քաղաքի բնակիչների համարեա մեծ մասը դուրս էին եկել քաղաքից գարնանը դիմաւորելու:

Օրը պարզ էր և հով. երեխաները խաղում էին գնդակով և ուրախ-ուրախ վազվզում:

Ես մօտ քառորդ ժամ զբօսնելուց չետույ, մի քարի վրայ նստեցի, խաղացող մանուկներին նայելու համար:

Ես նկատեցի, որ ինձանից ոչ հեռու, նստած էր մի ցնցոտիներ հագած երեխայ, որ դառն կերպով լաց էր լինում. իսկ նրա մօտ խաղում էր

փոքրիկ Պարույրը իր նոյնպէս փոքրիկ քույր Ռուզանի հետ:

Պարույրը վազելու ժամանակ նկատեց լաց լինող երեխային և վազելով մօտեցաւ. „Այ տղայ, ի՞նչու ես լաց լինում, ո՞վ է քեզ ծեծել“, հարցրեց Պարույրը: „Ոչ ոք ինձ չի ծեծել“, ասաց տղան. „Ես լիչեցի իմ հօրը, որ անցեալ տարի գարնան սկզբին այստեղ միասին ման էինք գալիս“:

— Այժմ ո՞ւր է հայրդ, հարցրեց Պարույրը:

— Իմ հայրս երկու ամիս առաջ վախճանւեց և ես մնացի որբ:

— Մայր ունի՞ս, հարցրեց Պարույրը:

— Մայր ունիմ, բայց հիւանդ է. այսօր ինձ ասաց — վեր կաց, գնա դաշտը, գարնանը դիմաւորելու, որ մեզ համար ուրախ գարուն լինի — ես էլ եկայ. բայց տեսնելով ուրիշ երեխաներին իրանց հայրերի հետ զբօսնելիս, լիչեցի իմ վախճանւած հօրս, — ասաց տղան:

— Անունդ ի՞նչ է, հարցրեց Պարույրը:

— Արշակ է, պատասխանեց տղան:

Պարույրը թողեց Արշակին և վազելով գնաց հօր մօտ, որ զբօսնում էր իրանցից ոչ հեռու: „Հայրիկ, ասաց նա, արի այստեղ“:

— Ի՞նչ կայ, փոքրիկս, հարցրեց հայրը:

— Հայրի՛կ, տես այստեղ մի երեխայ լաց է լինում. ես հարցրի, ասաց որ լիչելով վախճան-
լած իր հօրը՝ լաց է լինում. հայրի՛կ, մայրն էլ
հիւանդ է:

Պարույրի հայրը ուրախացաւ որդու բարե-
սրտութեան վրայ և հետեւելով նրան՝ եկաւ որբ
Արշակի մօտ:

Երբ հասան Արշակի մօտ, Պարույրը Ար-
շակին ցոյց տւեց հօրը՝ ասելով. «Հայրի՛կ, ահա
այս տղայի մասին էի ասում. խեղճ տղայ է,
ուզում եմ օգնել սրան, բայց ոչինչ չունիմ բա-
ցի մի գնդակից: Ախ, ոչ էլ փող ունիմ: Հայ-
րի՛կ, այսօր առաւօտը դու ինձ քսան կոպէկ
աւիր մրգեղէն առնելու համար, բայց ես պա-
հել եմ. այժմ գնդակս էլ, քսան կոպէկն էլ տա-
լիս եմ Արշակին», ասաց Պարույրը և տւեց Ար-
շակին իր գնդակը և քսան կոպէկը:

Պարույրի հայրը շատ ուրախացաւ իր որդու
բարեսրտութեան վրայ և նրան քաջալերելու հա-
մարմէկմանէթ տւեց Պարույրին և ասաց. «Ապրիս,
որդիս, միշտ այդպէս բարեսիրտ եղի՛ր, թշա-
ւին ու խեղճին օգնի՛ր և տխուրին ուրախաց-
րու, որ Աստուած էլ քեզ օգնի և մխիթարէ. ա-


հա այս մանէթը ևս տուր Արշակին և ասա՛, որ մի բան հարկաւոր գալուս՝ գալ մեզ մօտ՝:

Պարույրը մանէթը տւեց Արշակին և հօր ասածն էլ յայտնեց նրան:

Արշակը շատ ուրախացաւ, համբուրեց Պարույրի հօր ձեռքը, մնաք-բարև ասաց Ռուզանին և Պարույրին, և գոհ սրտով հեռացաւ իր հիւանդ մօրը մխիթարելու...

Յովհ. Ճաղարբեգեան





Հ Պ Ա Ր Տ Ո Ւ Թ Ի Ն

(Փրակներէնից)

ըիորդ Հեղինէն, որ իշխանագն էր, ապրում էր իր հոյակապ ամրոցում: Նա շատ հպարտ բնաւորութիւն ունէր և արհամարհանքով էր նայում աղքատների վրայ:

Միանգամ եկաւ նրա մօտ աղքատ բանւորի աղջիկ Մարիամը և ասաց նրան, թէ իր հայրը, որ գտնւում է մահւան անկողնում, կամենում է իրան տնտեսել, որովհետեւ մի շատ լուրջ տեղեկութիւն ունի նրան յայտնելու: Օրիորդը պատասխանեց նրան արհամարհանքով, թէ ժամանակ չունի և աւելացրեց. „Մի՞թէ տեսնւած բան է, որ ինձ նման դիրք ունեցող մի տնձնաւորութիւն գնայ աղքատ բանւորի խրճի-

թը, թէ ինչ է՝ նրան մի ինչ-որ լուր պէտք է հաղորդեն:՝ Մարիամը գնաց և մի քիչ ժամանակ անցնելուց չետոյ դարձեալ վազելով վերադարձաւ և ասաց. «Օրիորդ, շուտ արէք, եկէք. պատերազմի ժամանակ ձեր հանգուցեալ հայրը հրամայել է հօրս թագցնել պատի մէջ մեծ քանակութեամբ ոսկի ու արծաթ և յայտնել ձեզ դրա մասին, երբ որ դուք քսան տարեկան կըլլինէք: Բայց հայրս, տեսնելով մահւան մօտենալը, կամենում է յայտնել ձեզ այդ գաղտնիքի մասին հէնց այսօր»: Լսելով այդ խօսքերը, իշխանազն օրիորդը իսկոյն վազեց քանւորի տունը: Երբ նա մտաւ խրճիթը, աղքատ քանւորը մեռած էր: Ոսկին չըգտան, և օրիորդը իր հպարտութեան պատճառով զրկւեց հարստութիւնից:

Ս.Ր. Սմիթեան





Ա Ս Տ Ղ Ի Կ...



ուր ի երկնքում դու փայլում ես,
Ինչպէս յօյսը իմ սրտում:
Սակայն, կարծեմ, դու էլ ինձ պէս
Միշտ տխուր ես և տրտում...

... Էլ ա՛մպ չըկայ մուրթ երկնքում,
Դո՛ւ, ո՛ւ աստղիկ, ուրախ ես...
Իսկ իմ սիրտը այս խեղճ կրծքում
Դեռ տանջւում է... յօյսի՛ պէս:

Գ. Բաբուրեանց





Մ Ա Ն Ի Շ Ա Կ Ը

(Կօւալեմսկուց)

Աշնանային սաստիկ քամին աղ-
մուկով և սուկելով ներս էր մտնում
անտառի խորքերը. ծանր տնքում
էին բարակ թխտենիները, դողում էր
երկչոտ թխկին, իսկ ճկուն ուռենին
կախել էր իր բոլոր ճիւղերը և դառն
արցունքներ էր գլորում երկիւղից կա-
պուտակած լճակի մէջ: Միայն հինաւուրց
կաղնին էր կանգնած աներկիւղ. նրա
արմատները խոր տարածւել էին հողի
մէջ, իսկ բունը հզօր և պինդ էր: Կաղ-
նու դեղնած տերեւները պինդ կպել էին
միմեանց և չէին թողնում, որ քամին մերկացնէ իրանց հա-
րազատ ծառին:

Հաստ կաղնու տակ բսել էր մանիշակը: Փոքրիկ թփիկը
կուչ էր եկել, չորացած տերեւները ոլորւել էին և խղճալի կեր-
պով թոթովում էին միմեանց հետ. մանիշակի գլխիկը կախ-

ւել էր և նրա տխուր դէմքի վրայ նկատուում էին արտասու-
քի հետքեր:

Քամին կրկին սլացաւ անտառի վրայով, գետնի երեսով,
կարծես ուզում էր աւել գետինը: Մանիշակի երկու տերևնե-
րը պոկւեցին, արագ պտտւելով վեր բարձրացան և սլացան
հեռու, հեռու: Թառամած ծաղիկը իր բոլոր տերևներով շրջ-
ւեց դէպի կաշնու արմատը և տխրութեամբ սեղմւեց:

Սակայն քամին բաւականացաւ իր խաղերով. հանգիստ
թողնելով անտառը՝ սլացաւ դէպի դաշտ: Անտառի ներսը ամեն
ինչ հանդարտւեց. երբեմն միայն շատ թույլ հառաչներ էին
լսում այս կամ այն տեղից: Երկիւղից տանջւած մանիշակը
դեռ կպած էր կաղնու արմատներից և չորացած թերթիկները
խաչած՝ սպասում էր մահւան: Վերջապէս, նա իր ամօթխած
աչերը վեր բարձրացրեց և խղճալի կերպով թոթովեց. «Մնաս
բարև, վաղեմի կաղնի. շնորհակալ եմ ստերիդ և հովիդ համար,
դու բարի էիր դէպի ինձ, բոլորն էլ բարի էին,— շնորհակալ
եմ բոլորից: Մնաս բարև, լոյս աշխարհ, այժմ ամեն ինչ վեր-
ջացած է. ես մեռնում եմ»:

Հզոր կաղնին, որ իր գլուխը չէր խոնարհեցրել փոթորկի
առաջ, նայեց դէպի իր ոտերի տակ:— «Գու տանջւում ես,
խղճուկ մանիշակ», ասաց նա,— «բայց չես մեռնիլ. թող քա-
մին շառաչէ, թող անձրևը թակէ մեզ, թող ձիւնը ծանրա-
բեռնէ մեր ճիւղերը,— ոչ ոք չի մեռնիլ»:

— Բայց իմ սիրտը արդէն դադարում է բաբախելուց,
հիւթս կանգ է առնում երակներիս մէջ, և ես զգում եմ, որ
մահս մօտենում է. թույլ ձայնով ասաց մանիշակը:

— Աշխարհումս ոչ մի բան չի մեռնում, հաւատա՛ ինձ,
շարունակեց կաղնին. ես արդէն երկար տարիներ է որ ապ-
րում եմ. ամենից առաջ ես եմ բնակութիւն հաստատել այս
անտառում. մեր բոլոր շրջապատողների սերմերը իմ օրով են
ընկել հողի մէջ. ես տեսել եմ նրանց մանկութիւնն ու երի-
տասարդութիւնը. շատ բան եմ տեսել իմ կեանքում, շատ եմ

մտածել. ոչ մի բան բոլորովին չի մեռնում,—հաւատն ինձ, մատաղ մանիշակ:

—Լսիր, շարունակեց կաղնին.—մի անգամ ես տեսնում էի, թէ ինչպէս մեռնում էր նորահաս թխտենին. ես էլ այն ժամանակ ջահել էի, սիրում էի այդ թշւառ, ճկուն ծառը և չէի կարող առանց վշտի նայել նրա վրայ: Ազատ աճում էր նա ինձ մօտ. ուրախ ու երջանիկ էր թխտենին, բայց եկաւ մարդը և երիտասարդ ծառը կորստի մատնեց... Հիւթը ծորում էր նրա վերքերից... Ես տեսնում էի, թէ ինչպէս թառամում ու կախ էին ընկնում նրա տերեւները. տեսնում էի, թէ ինչպէս տխուր ու տրտում, լռիկ մեռնում էր նա: Գարունն եկաւ. ծառը այլ ևս չըտերեւեց, բարակ, չոր ճիւղերը սկսեցին կոտորուել. ճկուն բունը թեքեց դէպի մի կողմ և օր օրի վրայ կռանում էր դէպի գետին: Մի ամառնային առաւօտ ճայթիւն լսեց. յետ նայեցի և հազիւ կարողացայ գիրկս բանալ,—խղճուկ ծառը ուղիղ ընկաւ իմ կրծքի վրայ: Չորացած թխտենուն պինդ գրկած՝ վշտից քարացածի նման կանգնել էի: Չեմ յիշում, թէ որքան ժամանակ կանգնեցի նրան նայելով: Կարծում եմ, որ իմ գլխի վրայով շատ օրեր և գիշերներ անցան: Երբ սթափուեցի, տեսայ որ իմ թանկագին բուռը փտել է և փռիացած թափւում է իմ կրծքի վրայ: Կեանքից յոգնել էի, ոչ մի բան չէր հետաքրքրում ինձ: Բայց ժամանակը յաղթեց, կրկին եկաւ գարունը, ծագեց արեգակը. արթնացայ, նայեցի չորս կողմս, նայեցի դէպի այնտեղ, ուր առաջ կանգնած էր իմ գեղեցկուհին,—սիրտս ուժգին բաբախեց. հէնց նոյն տեղում բսել էր մի բարակ, մատղաշ, սիրունիկ թխտենի, իսկ և իսկ իմ սիրելիի նման: Ես ցնցւեցի իմ բոլոր ճիւղերով և թափ տւի խուճուճ գլուխս, կարծելով թէ այդ բանը երազ է: Բայց դա երազ չէր: Իմ թխտենին առողջ արմատներ էր թողել գետնի մէջ. ոչ մի որդ չէր մտել նրա սիրտը. նա փչացած չէր և նոր շիւեր տւեց, որ առաջւանից աւելի գեղեցիկ

էին: — Ո՛չ մի բան բոլորովին չի մեռնում, հաւատա ինձ, վեր-
ջացրեց հնադարեան կաղնին:

Գունաթափ մանիշակը պինդ կպել էր կաղնու արմատ-
ներին. նա ուժասպառ էր լինում, բայց մի մխիթարական
զգացմունք ներս սպրդեց նրա սիրտը: — Միթէ դեռ յոյս կա՞յ, —
մտածեց նա և յիշեց իր արմատները:

— Չար որդերը, արդեօք, չե՞ն լսել իմ սիրտը, անցաւ
նրա մտքով. — բայց ո՛չ, կաղնու շուրջը հողը պարարտ է, իմ
արմատները թարմ և առողջ են, ես միշտ խնամում էի նրանց:
Միթէ դեռ յոյս կա՞յ... և նրա սիրտը բաբախում էր վշտալի:

Կրկին շառաչեց քամին, կրկին շատ չորացած ճիւղեր
կոտրտեց, և ահա, վերջապէս, հասաւ ձմեռը. սառը ձիւնը
սպիտակ սաւանով ծածկեց գետինը, թխտենիների ճիւղերը
կուացել և ճռճում էին նրա ծանրութեան տակ. խուլ տըն-
քում էր հինաւուրց կաղնին, բայց ուժեղ արմատներով պինդ
բռնել էր գետնից, իսկ մանիշակի հետքն էլ չըմնաց: Բայց և
այնպէս արեգակը ծածուկ նայում է իր սիրելիներին. նա
յայտնում է երկնքի վրայ, և ճառագայթները ծառերի կող-
քերից թափուն մտնում են մերկացած ճիւղերի տակ, թեթեւ
կերպով շոյում են ծառերի մերկ կատարները, և կրկին
քաշում է արեւը, մայր մտնում... Յրկար չի երևում նա, և
անտառի բնակիչները յոյսերը կտրում են՝ նրան տեսնելու: Բայց
արեգակը կրկին փայլում է մշուշի լետեից, կրկին նայում է
անտառի վրայ և կարծես ասում է — «յոյս ունեցէք»: Այդ խօս-
քերը բոլորին ոյժ և տոկունութիւն են տալիս. ամենքը կանգ-
նում են ժիր և լուռ սպասում են. «Ե՞րբ է լինելու, ե՞րբ». Ժա-
մանակ ժամանակ ձայն է հանում երիտասարդ ուռենին և թեք-
ւում դէպի սառած լճակը, փորձելով իր տերեւագուրկ ճիւղերով, թէ
չի՞ հալել արդեօք թափանցիկ սառույցը: Արեգակը կրկին նա-
յում ու ժպտում է, և ճիւղերի վրայի սառցէ շիթերը արտա-
ջողում են նրա ժպիտը. ծառերը կարծես ջահելանում և ողոր-


ւում են վարդադոյն լուսով. բայց մի բոպէից յետոյ կրկին ամեն բան գունատուում ու մեռած է երևում:

Ահա անցնում է ձմեռը. արեգակը յաճախ է այցելում դաշտերն ու մարդադետինները, և ո՛չ գաղտագողի, այլ երկար և ուրախ շողշողում է ճիւղերից զլորւող ջրի կաթիլների մէջ. օր օրի վրայ ձիւնը փափկանում է և բոլորովին պատրաստ է ջուր դառնալու, բայց ցուրտը դեռ բոլորովին չի ուզում զիջել արևին, և հէնց նա մայր է մտնում թէ չէ, ցուրտը կրկին դադարեցնում է ջրերի հոսանքը, սառույց է դարձնում փափկացած ձիւնը և շղթայում, կանգնեցնում է ճիւղերի մէջ թարմ հիւթը: Բայց արեգակը այժմ քիչ է բացակայում և, վերջապէս, նա բոլորովին արտաքսում է ցրտին...

Անտառում էլ ձիւն չի մնացել. ծառերի ճիւղերը ազատւել են նրա ծանրութիւնից և յոգնած ձգւում են դէպի վեր. թարմ հիւթը հոսում է նրանց երակներում: Տեղ-տեղ կանաչում է մամուռը և մատղաշ խոտի ընտանիքը դուրս է գալիս խիտ և կարմրաւուն փնջիկներով: Վաղեմի կաղնին լացւում և թափ է տալիս իրանից դեղնած տերեւները, մաքրում է ճիւղերի վրայից սարգի ոստայնը և պատրաստւում է տերեւելու: Ահա նա նայեց իր ոտների տակ, — նորատի մանիշակը արդէն պճնել է մոյգ կանաչ տերեւներով. նրա քնքուշիկ գլխիկը հազիւ երևում է նրանց տակից, բայց աչիկները դեռ փակւած և ծածկւած են կանաչ, բարակ ծածկոցով: Նայում է հինաւուրց կաղնին և ուրախանում: Ծածկոցը կամաց կամաց շարժւում է և, վերջապէս, վայր է ընկնում նրա ուսերի վրայ աչքերը դէպի երկինք դարձրած և ուղարկում է դէպի այնտեղ սքանչելի բուրմունքի մի նուրբ ամպիկ:

— Բարև քեզ, հինաւուրց բարեսիրտ կաղնի. ես յարութիւն առայ. ուրախութեամբ գլուխ տալով, ասում է նա իր վաղեմի բարեկամին:

Սոճիա ՏԼՐ-Սեփանան



ԳԵՂՔՈՒԿԻ ԲԱՂՁԱՆՔԸ



Քօթաբեր ձմեռը կեանքս արաւ կէս,
Քեզ եմ սպասում անդադար, ով զարուն.
Հուտով արի, փրկիր մերձի մահ եմ ես,
Քեզ եմ ապաւինում, պաշտելի անուն:

Սաստիկ ցուրտը չըթողեց աչքս բանամ,
Տեսնեմ զաւակներին դեղ, դարման
անեմ,
Յոյց տուր սլարզ երեսդ, որ ուրա-
խանամ,
Հօտաղներին կանչեմ, վար ու ցան
անեմ:

Խղճա մեզի, շուտ հասցրու քո ձեռը,
Եթէ ոչ մեռնում ենք, մօտ է մեր մահը.
Մեզնից հեռացրու դաժան ձմեռը,
Նրա տեղը թող բարձրանայ քո զահը:

Հարունակ փոթորիկների պատճառով
Ամեն ինչ մեռած է, տխուր է մեր մէջ.
Ոգի ու կեանք տուող, դու արի բարով,
Ծաղկունքներիդ հօտը թող բուրէ մեր մէջ:

Լիանայ մեր երկրի ամեն պտուղը,
Սև օրիս փոխարէն բացւի կարմիր վարդ,
Կենդանանան մեր քաղաքն ու գիւղը,
Երջանիկ ապրեն անասուն և մարդ...

Սարգ Հագիրի



ԹԻԻՐԻՄԱՅՈՒԹԻՒՆ

(Ա ռ ա կ)՝

Ախում է չի լինում մէկ հովիւ. այդ հովիւը խօսիլ իմանում է, բայց ուրիշի խօսածը չի հասկանում: Մի օր այդ հովիւը իր փարախում պարկած մոմուում էր, իբր թէ երգում էր, բայց փոքր առ փոքր քունը տանելով քնեց: Փարախի մէջ մէկ անցք կար. ոչխարները այդ անցքից դուրս եկան և արածելով հեռացան փարախից: Հովիւը զարթնեց և տեսաւ ոչխարները չըկան. նա գնաց փնտռելու նրանց. և սլատահեց մէկ երկրագործի, որ հերկում էր գետինը. այդ մարդը նոյնպէս հովիւի նման էր, խօսել իմանում էր, բայց ուրիշի խօսածը չէր հասկանում: Հովիւն ասաց. նրան.

—Այ մարդ, իմ ոչխարները խօ չ'ես տեսել:

Երկրագործը չըպատասխանեց:

—Այ մարդ, ասա,—կրկնեց հովիւը, մատով ցոյց տալով—
հր կողմը գնացին, վերև թէ՛ ներքև:

Երկրագործը դողաց. կարծում էր թէ հովիւն ասում է, այդ արտը իմն է, ի՛նչու ես հերկում:

—Աստուած վկայ, ասաց երկրագործը, անցեալ օրն եմ առել կաղլիկ Աւետիսից. չես հաւատում, գնա, իրան հարցրու:

—Այ մարդ, ասա, հր կողմը գնացին վերև թէ՛ ներքև. որ ուղիղ ասես՝ ես քեզ մի այծ կ'ընծայեմ:

—Աստուած վկայ, այս արտն իմն է. ա՛յ, տեսնում ես այն քաշած ցանկը. այնտեղից մինչև այն միւս ցանկը իմն է: Նա մատով ցոյց տալով շարունակեց. —Իսկ ցանկից դուրսը Օհանինն է:

Հովիւն այնպէս կարծեց, թէ սա ցոյց տւեց թէ այնտեղ են գտնում իր ոչխարները. նա գնաց և մտքումը դրեց, որ եթէ գտնի՝ պողը կոտրած այծը նրան կընծայէ: Եւ գնաց գտաւ: Եկաւ այն մարդու մօտ, պողը կոտրած այծիցը բռնեց, զցից այն մարդու առաջ և ասաց.

—Ահա, քեզ լինի այս այծը, որովհետեւ դու ուղիղ ասացիր. ընծայում եմ քեզ այս այծը:

—Աստուած, երկինք, գետինք, պողը ես չեմ կոտրել:

Հովիւը հէնց իմացաւ, թէ պողը կոտրած այծը չէ ուզում:

—Այ մարդ, վերցրու, լաւը չեմ տայ. ուզում ես՝ վերցրու, չես ուզում, ուրիշը չեմ տալ:

Հովիւն ու մարդը սկսեցին մէկ մէկու հետ կռւել. նա ուրիշ բան էր խօսում, նա ուրիշ, և նրանք գնացին գանգատւելու:

Գնացին և տեսան մի պատանի տղայ, նստած է մի քարի վրայ. այդ տղան էլ դրանց նման էր— խօսել իմանում էր, բայց ուրիշի խօսածը չէր հասկանում: Սա տատից նեղանալով տնից փախել էր: Սա կարծեց թէ այդ մարդիկ իրան իրատում են, որ գնաց տուն: Տղան գլուխը ցած գցած՝ նայում էր գետնին: Հովիւն ու երկրագործը բոլոր եղելութիւնը պատմեցին նրան:

Երկրագործը շարունակեց.


—Այ տղայ, ասա թէ ո՞վ է մեղաւորը. ես այնտեղ իմ արտը հերկում էի, այս Հովիւը եկել ասում է, թէ դու ես այս այծի պողը կոտրել:

Տղան ոչինչ չէր պատասխանում: Հովիւն ու երկրագործը շատ վիճեցին, շատ կռւեցին, բայց ոչինչ դուրս չեկաւ: Տղան գլուխը չէր բարձրացնում. նա վերջը ասաց.

—Տանից բոլորովին միք խօսալ. քանի քաւթառ նանին այնտեղ է, ես տանը ոտ չեմ դնիլ:

Հովիւը, երկրագործը, տղան շատ վիճեցին և սկսեցին իրար դնքսել: Վերջը ուրիշները եկան նրանց բաժանեցին միմեանցից և հասկացրին թիւրիմացութիւնը:

Ա. Բ. Ասովմեանց



X-իՆ

Դու սես իմ

աչքեր, լցած ու սրտում,
Որ նայում եմ քեզ ճենջանով անհուն,
Կարդա դու այնտեղ արհիս խոր յուզ-
մունք,

Տես այնտեղ փայլած յուսահաս արցունք:


Եւ ինչու խօսքիս հնչիւնի միջից
Լսի՛ր դառն ցաւ, թունալի կսկիծ,
Եւ իմ մտազբաղ դէմքս վաստակած
Թող պատմի քեզ միտք, սէր, ճանջանք, կասկած:

Դու սես իմ երեւ քաղերս մոլոր —
Մռայլ է այսպէս կեանքն իմ մեծաւոր,
Գնում եմ նրանք մի խուլ նանապարհ —
Եյնտեղ դու կարդա մեցումն անդադար...

Նր. Պապիան

Ժընեւ





Taylor

M. J. R. O. S.

Գ ա Ն ճ ա կ ի Ե լ ա Ն Զ ա ս կ ի Ն:



ՀՐԵՇԵՂՈՐԾՈՒԹՅՈՒՆՆԵՐԻ ԳԻՇԵՐ

(Ռուսերենից)



արիներ սրանից առաջ էր: Անդրկովկասեան ծովափնեայ փոքրիկ քաղաքներից մէկում՝ Հիւանդութիւնս ինձ անորոշ ժամանակով արգելք էր դարձել: Միակ բանտարկութեանս միջոցին, ինչպէս կատակով կոչում էի ես իմ լինելը վատ Հիւրանոցում, — թէեւ դա լաւագոյնը լինէր ամբողջ քաղաքում, — իմ միակ ընկերն էր մի երիտասարդ Անգլիացի, մօտ Յմտարեկան, միստէր Թոմ Իսլինգտըն: Նա մի մեծ ճանապարհորդութիւն էր անում Ռուսաստանում, և կանգ էր առել միւսնոյն քաղաքում ինձ հետ, սպասելով շոգենաւի մեկնելուն, որ երթւեկում էր Բաթումի և Մարսելի մէջ, և նաև նրա համար, որ կարգի բերէ իր հատ հատ զիտողութիւնները, որ նա ճանապարհին նշանակել էր իր յուշատետրում, և ամփոփէ այն խառնիխուռն ամբարած տպաւորութիւնները, որ նա ստացել էր իրան, ինչպէս ինքն էր ասում, վաղուց հետաքրքրող երկրի ծանօթութիւնից: Մենք շատ շուտ մօտեցանք իրար, որ յաճախ պատահում է միմեանց հետ հասարակաց շատ բան ունեցող մարդկանց, և ամբողջ զիշերներ միասին էինք անցկացնում: Այժմ, գրելով այս տողերը, մեծ հաճուքով

լիշում եմ այն ժամանակը և այդ մարդուն, որի հետ անցկացրի այնքան զեղեցիկ ժամեր: Նա շատ էր ճանապարհորդում, հիմնաւորապէս կրթւած էր, լաւ գիտէր ռուսաց գրականութիւնը և թէև ոչ բոլորովին ազատ, բայց և այնպէս այնքան լաւ էր խօսում ռուսերէն, որ ես առանց դժւարութեան կարող էի խօսակցել նրա հետ: Ի միջի այլոց նա ինձ զարմացրեց՝ ռուսական սովորութիւններին, նախապաշարմունքներին, գուշակութիւններին լաւ տեղեակ լինելով: Իմ զարմանքիս պատճառով նա զարթ ծիծաղեց և ասաց.

—Այտեղ զարմանալու բան չըկայ: Ես լաւ լիշողութիւն ունիմ, իսկ Սախարովի ռուսական գրույցների երկու փոքրիկ հատորները միշտ սեղանիս վրայ են: Մի ծիծաղէք: Երեխայութիւնիցս ես սաստիկ հակւած էի եղել դէպի խորհրդաւորը և անսովորականը: Իսկ տարիների ընթացքում այդ կիրքը զրնալով սաստկացաւ: Գիտէ՞ք, — նկատելի աշխուժով, շարունակեց նա, — երբ ես ճանապարհորդում էի Հնդկաստանում, չորս տարուց աւելի անցկացրի Քանգէսի վրայ և նրա միւս կողմում: Հնդիկների սրբազան գետի ափերում անցկացրած կեանքիս լիշողութիւնը մինչև այժմ էլ ամենաերջանիկներիցն է կեանքիս մէջ: Ես զբաղւում էի այնտեղ ձեր և Հնդիկների աւանդութիւնների և գուշակութիւնների բախտաւորութեամբ, և իրաւ, թէև զարմանալի է, շատ նմանութիւն գտայ: Ի միջի այլոց, դուք գիտէ՞ք, որ Հնդիկների երիտասարդ աղջիկները, ինչպէս և ձերոնք, հայելու, կամ միևնոյնն է, ջրի մէջ են նայում, գուշակելու թէ ո՞վ կըլինի իրանց փեսացուն: Այդ բաւական չէ, նրանց աւանդութիւնն ասում է, որ գուշակութեան ամենալաւ ժամանակն այն է, երբ հին տարին նորին է անցնում:

Յետոյ բաժանելիս, որ վերադառնում էր Լոնդոն, նա ինձ ասաց.

—Ես գիտեմ, որ դուք, ինչպէս և ես, սիրում էք այն տեսակ յատկական անցքեր, որոնց մէջ տարօրինակ բաներ կան,

որ մարդու հաւատալը չի գալիս: Ես կըտամ ձեզ կարգալու և մինչև անգամ կընծայեմ մի փոքրիկ ձեռագիր՝ թէ ինչպէս ես մի անգամ, տարեմուտին, Դէրճէլլինդի մօտ ապրելիս, ուզեցի գուշակութեամբ զբաղել, և ինչ եղաւ հետեւանքը...

Ես նրան շնորհակալութիւն արի և հարցրի.

— Իսկ այդ բանը կարելի՞ է պատմել Ռուսաստանում:

Մի փոքր մտածելուց յետ, պատասխանեց.

— Բերանացի կարող էք պատմել՝ ում որ ուզում էք, բայց տպելը թույլ եմ տալիս ձեզ միայն մահւանիցս յետ: Թէ չէ կը-
ծաղրեն ինձ ձեզանում՝ երկրորդ անգամ Ռուսաստան գալիս, իսկ իմ միտքս է՝ որ անպատճառ էլի մի անգամ ձեր կողմե-
րը գամ:

Այդպէս, ես լուրթեամբ պահում էի այդ բանը՝ ճշտիւ կատարելով ծանօթիս կամքը, և միայն այժմ վճռում եմ ի լոյս հանել նրա ձեռագիրը, որովհետև միստէր Թոմ Իսլինգ-
տընը մեռած է: Նա մեռաւ Չիկագոյում, աշխարհահանդէսի ժամանակ, զոհ դառնալով տխուր աղէտքներից մէկին, որը հուշակալոր կացրեց 1893-ի տիեզերական աշտարակաշինու-
թիւնը:

Ահաւասիկ այդ ձեռագիրը:

.

Մանկութիւնիցս ես մի անուղղելի մտորող էի: Ճանա-
պարհորդում էի ամբողջ երկրագնդի ամենահետաքրքրական տե-
ղերը. և ոչ միայն զւարճութեան համար, ինձ պէս շատ աշ-
խարհաշրջիկների նման, և ոչ էլ միայն գիտնական նպատա-
կով, ինչպէս հայրս, այլ մի խորհրդաւոր յուսով թափանցել
տիեզերական գաղտնիքների խորքը և վանել բնութեան հա-
մարեա ամենին անյայտ ծածուկները: Հնդկաստանում, ուր ես
մնացի բաւական երկար, վճռեցի ամենայն միջոց գործ դնել
Փակիրների արեւոտի հետ ծանօթանալ և, որքան կարելի է,
խորամուկս լինել գաղտնագիտութեան ամենամօտ ծանօթ ճա-

նաւաճ Իօդ-րաջաների աւելի վերացական ծանօթութիւնների մթութեան մէջ: Միայն ես խոյս էի տալիս մարդաշատ կենդանոններից, և ձեռնարկում էի հեռաւոր շրջագնացութեան երկրի խորքը՝ աշխատելով այնտեղ մի ուսուցիչ գտնել, իսկ որ դիտնական, և ոչ թէ մի որ և է խաբեբայ, որոնք շատ են Հնդկաստանում: Եւ բախտ ունեցայ գտնել այդպիսի մէկին: Արդէն այն ժամանակ ես հիմնաւորապէս գիտէի սանսկրիտերէնը և դրա շնորհիւ, մեր տեսական պարապմունքները շատ շուտ առաջ գնացին: Արդէն հասել էր ժամանակը, որ որոշել էր իմ գործունէւ, — այդպէս է կոչւում այն տեղերում ուսուցիչը — գործնական փորձերը սկսելու համար, որոնք ամենից շատ էին ինձ հետաքրքրում, երբ յանկարծ նա սաստիկ հիւանդացաւ: Դա պատահեց դեկտեմբերի վերջերին, Նոր-Տարուց մի քանի օր առաջ: Ես այցելում էի նրան համարեա ամենայն օր. արդէն սրտով կապած էի նրա հետ պարապմունքների ժամանակ: Վտանգը շուտ անցաւ, բայց հիւանդութիւնն այն տեսակներիցն էր, որոնք պահանջում են երկար ժամանակ առողջանալու համար, և յետոյ մեծ զգուշութիւն:

Ես շատ էի տխրում առանց իմ դաստիարակին: Թէպէտ մենք շատ յաճախ տեսնում էինք, բայց հիւանդ մարդը առողջ մարդ չէ: Այնուամենայնիւ ես սրբութեամբ պահում էի նրա պատւէրը՝ առանց իրան ոչ մի նոր բան չըձեռնարկել:

Մի անգամ — երեկոյին էր — ներս վազեց մօտս մի պատանի, ձեռքում մի տոմսակ... Արագ բաց արի գիրը... Նա իմ վարժապետիցն էր և ահա ինչ էր գրած մէջը.

«Իմ երիտասարդ բարեկամ.

Մի վախենաք, եթէ ես եօթն օր բացակայ գտնւեմ: Որպէս զի մարմինս շուտ լաւանայ, ես վճռեցի նրան նիւթական և հոգեկան լաւ հանգիստ տալ: Ես կերթամ: Թմբրանքի մէջ կըթողնեմ նրան մի քանի ժամանակ: Սպասեցէք ինձ մի շաբաթից յետ և, ինչպէս ես արդէն ձեզ խնդրել եմ, առանց ինձ ոչինչ բանի չըձեռնարկէք:»

Դիւրմա Սաստրի»:

Ես իսկոյն Հետեւեցի տղային: Մի քանի ժամանակից յետ նա ինձ տարաւ իրանց *բէնգլիօուն*: Այդ մի փոքր տնակ էր, եղէգնից հիւսւած և արմաւենիներով շրջապատուած:

Այդտեղ, այդ համեստ ապաւէնում, ապրում էր ուսուցիչս այն պատանու հետ, որին նա պատահմամբ գտել էր անտառում, ուր, անշուշտ, բերել էր նրան մեղաւոր մայրը: Գուրուն նրան որդեգրել էր և մեծացրել: Ո՞վ է իմանում, կարելի է, նա պատրաստուած է՞ր նրան էլ իր նման իմաստուն դարձնել:

Ես գտայ դաստիարակիս անշարժ և անշունչ:

Նրա, ըստ երևոյթին, անկեանք մարմինը հանգչում էր մի չոր անկողնի վրայ: Բայց ես չըվախեցայ, լաւ իմանալով, թէ ինչ էր նշանակում նրա բացատրութիւնը. «Ես ժամանակաւորապէս կերթամ»:

Նրա սանիկն էլ, բոլորովին հանգիստ էր երևում, հաւատացնելով, որ այդ երևոյթը առաջին անգամը չէ որ պատահում է Գհրմա Սաստրիին. որ այդ տեսակ հանդստութիւնից, այդ տեսակ երկար բացակայութիւնից յետ, նա միշտ աւելի աշխուժ և առողջ է լինում: Այստեղ աւելորդ չեմ համարում ասել, որ իմ *գուրուն* տեսքով քառասուն տարեկանից աւելի չէր երևում, թէպէտ տեղացի ծերերը շատ անգամ հաւատացնում էին ինձ, որ նա իրանցից շատ մեծ է: Նա մի համեստ, հանդարտ մարդ էր, լղար, բարակ, ոչ-բարձրահասակ, ամենասովորական կերպարանքով: Միայն կզակը, խիտոցցւած, և սաստիկ դուրս ընկած ճակատը արտայայտում էին կամքի ոյժը, խորը մտածելու ընդունակութիւնը, որ կենդրոնանում էր մի առարկայի կամ մի ցանկութեան վրայ: Ես տեսայ նրա մէջ էլի մի զարմանալի յատկութիւն. ինձ թւում էր, որ նրա աչքերը փոխում էին երբեմն ոչ միայն արտայայտութիւնը այլև գոյնը: Բայց շատ հաւանական է, որ ինձ էր միայն

այդպէս թւում, որովհետեւ ուրիշները նոյն բանը չէին նկատում:

Ես դուրս եկայ նրա մօտից, բոլորովին հաւատացած, որ չեմ տեսնիլ նրան մի շաբթից առաջ, այն օրը, երբ նա կ'արթնանայ:

Ես հարցրի տղային բաժանելիս, թէ չի վախենում նա արգեօք՝ մնալով միայնակ անզգայ և անշարժ ուսուցչի հետ անտառում, որտեղ վիտում են վայրենի զազաններ և օձեր և կարելի է, նոյն իսկ, չար մարդիկ: Գհրմա Սասորիի աշակերտը բացառօրէն թափ տւեց գլուխը և ասաց, որ նրանց համար չար մարդիկ չըկան, — գուրուին ամենքը սիրում են, — ոչ միայն մարդիկ այլև զազանները, — իսկ ամենայն չարիքից արդէն շատ տարուց ի վեր պահպանում են նրանց բարի ոգիները — *պիտրանները*»:

Ես մի քանի անգամ լսել էի այդ հաւատալիքը, որ շատ տարածւած է Հնդկաստանում: Տուն դառնալուցս յետ երեք կամ չորս օր էլ անցել: Ես սիրով աշխատում էի, համարեա ամենայն օր այցելում էի «քնած» ուսուցչիս՝ *ըէնգ-լոուն*, բայց սաստիկ տիրում էի և, ինչպէս բանտարկեալը ազատութեանն է սպասում, անհամբերութեամբ սպասում էի նրա արթնանալուն: Մի երեկոյ կարգալով, ես սովորականից երկար նստեցի: Փամացոյցը տասնեւէկը զարկից, և յանկարծ չիշեցի, որ այսօր ամենայն տեղ տօնում են տարեմուտը: Ուստի համարեա միւստայն րոպէին մի զարմանալի միտք ծագեց գլխումս... «Չատերը Ռուսաստանում, և շատ կարելի է այստեղ էլ, գուշակութիւն են անում. ես էլ, որ անգործ եմ, չընայեմ հայելուս մէջ»:

Այդպէս էլ արի...

Հանեցի սեղանիցս իմ «մոգական ապակին» և սկսեցի սարքել: Այդ հայելին ձեռք էի բերել Նիւ-Յօրկում, երեք տարի սրանից առաջ, և միշտ հետս էի ման ածում: Երբ ինձ

յաջողւեց տեղաւորել նրան երկու մոմերի մէջ տեղը, աջնպէս որ մէջը ոչինչ չըցողանար. նստեցի առաջը և աչքերս անթարթ յառեցի նրա ուռուցիկ և հարթ երեսի վրայ: Առաջ ու առաջ, չըզիտեմ սաստիկ լոյսից թէ հակադրուող խաւարից, որ լցնում էր ահագին սենեակի անկիւնները—նա նախ թւում էր ինձ մի սև բիծ: Բայց ահա, նրա սև մակերևոյթի վրայ, սկսեցին վազել ինչ որ անըմբռնելի, անորոշ, դիւրաշարժ ստերներ, գծեր, սիւններ, և յանկարծ-քիչ էր մնում ես բացազանչէի, աջնքան այդ բանը անսպասելի էր—նրա խորքի վրայ պարզ, պայծառ և բաց որոշ երևան եկան գեղեցիկ հնդկական տաճարի հիւանալի աւերակները հասարակածային ահագին անտառի խորութեան մէջ:

«Այդ իրօք եմ ես տեսնում, քնած չեմ արդեօք», մտածեցի ես. վճռեցի ձեռքս կծմրթել, հաստատ իմանալու համար, որ քնած չեմ: Բայց այդ ըոպէին իմ հայեացքի և ապակու մէջ տեղը պարզւեց փոքրիկ, պղնձագոյն ինձ լաւ ծանօթ մի ձեռք...

Ես արագ վերթռայ տեղիցս և ուրախ բացազանչեցի: Իմ առջև կանգնած էր ուսուցիչս: Նրա երեսը ժպտում էր և նա թափ էր տալիս իր սպիտակ գլխափաթը, կարծես թէ ինձ յանդիմանելով...

—Լաւ չէ, լաւ չէ, անհնազանդ,—ասում էր նա:

—Չէ՞ որ ես խնդրել էի առանց ինձ չըսարապես գաղտնագիտութեան փորձերով:

—Այս ինչ գաղտնագիտութիւն է,—արդարանում էի ես, ցնծութեան ձայներ հանելով որ նա վերադարձած էր,—սա պարապութիւնից առաջ եկած մի հասարակ խաղ է... Ասել է դուք մտադրածից առաջ էք զարթել:

Նա պարզ պատասխանեց.

—Այո՛, ես, ինչպէս տեսնում էք, լաւացել եմ: Բայց դուք իզուր էք անւանում պարապութիւնից առաջ եկած խաղ այն

անը, որով զբաղւած էիք գալուցս առաջ: Հայելիին հարցնելը ամենեւին խաղ չէ: Ձեր Ամերիկական անխոհմտ ապակին կարող էր այս հինաւուրց տաճարից, որ սկսել էր պարզւել ձեր աչքի առաջ, անցնել այնպիսի առարկաների, որոնց ձեզ համար աւելի լաւ կըլինէր չըզիպչել հարեանցօրէն, եթէ ուզում էք արդարեւ նրանցով զբաղւել լրջութեամբ և հետևողաբար... Աւելի լաւ չէ՞ զբօսնել: Գիշերը հիանալի է և, աւելացրեց նա խորամանկ ժպիտով: Նայելով ինձ, ցոյց կըտամ ձեզ ճշմարիտ աւերակները, որոնք այնքան հետաքրքրեցին ձեզ ապակու միջով: Յս համաձայնեցի, չըթաղցնելով ուրախութիւնս, և զարմանք յայտնեցի, որ մինչև այժմ մտքից անգամ չէի անցկացնում, թէ մօտերքումը կարող էր այդպիսի մի հետաքրքրական տեղ լինել:

Մի պաշտօն, դիւթական և սքանչելի գեղեցիկ հարաւային գիշեր գտանք, ու զուրս եկանք բաց օդը: Նա շողշողում և փայլում էր լուսնից և միլիօնաւոր աստղերից, ինչպէս թափանցիկ մարգարիտը աղամանդեայ փոշիով ծածկւած, ինչպէս մոզաշէկ Յէյլոնի թանդագին քարերից... Մենք գնում էինք արագ, և շատ շուտ հասանք անտառի ծալքը, որ հեռւից մեզ թւում էր իբրև թէ հիւսւած լինէր սև և արծաթեայ ժապաւէններից...

Մի հրաշափառ սիւնակարգ փակեց մեր ճանապարհը, և ես ակամայ կանգ առայ, հրաշալի պատկերիցը ապշած, որք յանկարծ բացւեց աչքերիս առաջ...

Հոյակապէնք քանդակաւոր դրանդիներին մէկը լողում էր լուսնի լուսի մէջ, իսկ նրա խորհրդաւոր խորքից մերթ բոցավառւելով, մերթ հանգչելով, հիանալի ծփում էր կարմրահեռ բոցը, կարծես թէ այնտեղ, տաճարի ներսում, ուր աչքը չէր կարող թափանցել, խարոյկ լինէր վառած կամ ճենճըւելիս լինէր դոհարանը...

Հնդիկը ձեռքով ցոյց տւեց ինձ մի ինչ որ զբանիտային

Հատուած փաթաթուկների և լախատերեւ խոտերի մէջ թաղւած, սկսեց ուղեւորել դէպի տաճարը, բայց յանկարծ շուռ եկաւ և ասաց.

—Մի քանի օր սրանից առաջ զուք Հարցնում էիք տղային—ես լսեցի ձեր Հարցմունքը—նվ է պահպանում ինձ օձերից և վագրերից: Գուք այժմ կրտսենէք նրանցից մէկին, որոնք շատերին պահպանում են վայրենի գազաններից. նրանցից մէկը ապրում է այս տաճարին մօտ և յաճախ այստեղ է գալիս: Միայն, խնդրում եմ, չիշեցէք, որ այստեղից մենակ շարժելը, ինչ էլ որ պատահի, վտանգաւոր է ձեզ Համար...

Նա ինձ գլխով արաւ և դանդաղ կերպով շարունակեց իր ճանապարհը, մինչև որ աներևութացաւ տաճարի սիւների յետևը:

Ես սպասում էի երկար, շատ երկար գուրուի երևալուն, բայց նա դեռ չէր երևում...

Փամանակը սլանում էր արագ, շուրջս Հանդարտ էր, գիշերը ասես կախարդւած լինէր... Աչքերու յոգնեցին—այնքան լարւած, անթարթ, արտասւակօրէն լինելու չափ գիտելուցս խորհրդաւոր կիսախաւսքը, որը տարածւում էր սիւնակարգի միւս կողմում... Անյայտ պատճառով և՛ այդ կիսախաւսքը, և՛ ինձ շրջապատող լուսթիւնը, և՛ անշարժութիւնը և՛ իմ մենակութիւնը սկսում էին վախ բերել իմ վրայ: Մի ինչ որ ծանրութիւն ճնշում էր ինձ, մի ինչ որ անըմբռնելի բան, մի սպառնալիք անտանելի տանջանքով լի: Ես սկսում էի կորցնել իրականութեան պատկերը, իսկ շուրջս պատող բաների ըմբռնումս լուծւում էր անյայտի, տխուրի և սարսափացող երկիւղի զգացման մէջ...

«Փախչել, փախչել, գնալ այստեղից», մտածեցի ես, բայց չանկարծ չիշեցի Դհրմա-Սաստրիի ասածը, և կանգ առայ:

Աչքերիս առաջ բացւեց մի մեծ քաղաքի տեսարան: Ես նրան տեսայ բարձրից և ճանաչեցի, որ անշուշտ ամերիկական

մեծ քաղաքներից մէկն է: Բայց այժմ նա ինձ աւելի մեծ թւաց, զարդարւած նորանոր շինութիւններով. զւարճատեղերի համար ողջը զարդարւած էր զրօշակներով, կայմերով, տրանսպարանտներով և շողշողում էր տօնական ճրագներով: Զրոյց, երգ, երաժշտութիւնը հասնում էին ականջիս... Փողովրդի բազմութիւնը ընթանում էր մի ուղղութեամբ, տրորելով և բոթելով միմեանց և ընկնելով ընդհանուր շարժումի մէջ. ես հետևեցի նրանց տօնական կենդանութեան կենդրոնը, այնտեղ, ուր գտնուում էին գեղեցիկ, ահագին շինութիւնները: Իմ շուրջը ամենայն բան շարժւում էր, սահում էր, ավմկում էր, և այդ քաօսում ես չէի կարողանում ինձ հաշիւ տալ, որտեղ եմ և ինչ քաղաք է դա: Յանկարծ մի ահագին բոց գրաւեց ուշադրութիւնս: Այլուում էր մի բան:

Ամենքը դէպի հրդեհն էին շտապում, դէպի այն կողմն էին շարժւում. ես էլ այնտեղ գտայ ինձ:

Մի անգամից բացեց առջևս ահռելի տեսարանը և խիստ, անախորժ սարսուռ պատեց ամբողջ գոյութեանս: Առջևս մի քանի մարդ վազում էին բոցի մէջ, փրկութիւն փնտռելով, ջանալով դուրս պրծնել կրակով պատած մի բարձր շինութիւնից, և այդ մարդկանց մէջ էի ահա և ես... Այդ տեսարանը շատ անախորժ կերպով զարմացրեց ինձ, և առաջին րոպէին ես այնպէս ինձ կորցրի, որ չէի իմանում անելիքս: Յետոյ ընկղմւած այն մտքի մէջ, որ կորչում եմ, ես վրայ ընկայ ինքս ինձ ազատելու, հաւատացած լինելով, թէ ինձ համար աւելի հեշտ ոչինչ չըկայ, ինչպէս վերքաշել ինձ, իմ կրկնակիս,— որը խելագարի նման դէս ու դէն էր ընկնում, այնտեղ, ներքեւում,—դէպի այն անվտանգ բարձրութիւնը, որից ես ինքս նայում էի հրդեհին: Բայց հէնց որ ես ձեռք հասցրի նրան, իմ միւս ետին, յանկարծ զգացի, որ ոչ թէ ես եմ նրան տանում դէպի վերև, այլ, ընդհակառակն, նա է ինձ քարշ տալիս ներքև, դէպի կրակը...

Էլի մի քանի ծանր տառապալից վայրկեան,— և յատակը որոտմունքով փուլ եկաւ մեր վրայ, իսկ նրա հետ միասին և մենք զլիսապատառ թռանք մեր առաջ բացւած կրակի անդունդը...

Ես վայրենի կերպով աղաղակեցի, հաւատացած լինելով, թէ այրում եմ...

— Սայիբ, Սայիբ, ի՞նչ է պատահել ձեզ, ի՞նչու էք այդպիսի ահռելի ձայնով աղաղակում:

«Ա՛, վերջապէս Գրհմա-Սաստրին եկաւ ետեւիցս»... մտածեցի ես և հազիւ շարժեցի...

— Փառք Աստուծոյ, որ դուք վերադարձաք: Առանց ձեզ ես այնպիսի երազներ եմ տեսել այստեղ— ասացի ես մեծ զրժուարութեամբ:

— Ի՞նչպէս, Սայիբ, դուք քնած էիք: Հիմա որ աղաղակեցիք, ներս վազեցի և գտայ ձեզ սեղանի առաջ նստած, բոլորովին շիտակ, բաց աչքերով: Դուք նայում էիք ուղղակի այս ապակու մէջ:— Ինչպէս երազի մէջ լսում էի ես մէկի վարանող ձայնը:

Քայց դա իմ գլխնական հնդկի՛ իմ ուսուցիչ Գրհմա-Սաստրիի ձայնը չէր:

Աչք ածեցի շուրջս, ջանք արի սթափել, և ապշութեամբ նկատեցի, որ ես նստած եմ իմ սեղանի առաջ, սենեակումս, «մոգական բլւերեղի» առաջ, իսկ հանդէպս կանգնած է իմ բէնգալացի ծառան, որին ես բերել էի Կալկաթայից:

— Իսկ ի՞նչու եք Գրհմա-Սաստրին — հարցրի ես:

— Չբզիտեմ, երևի, իր քէնգլօում: 2^է որ Սայիբը ասում էր թէ հիւանդ է:

— Քայց նա այս բոլէիս այստեղ էր— աղաղակեցի ես:— Իսկոյն կ'երթամ նրա մօտ և կըհարցնեմ, թէ այս ի՞նչ է նշանակում:

Ես ինձ ու ինձ էի խօսում, կարծես թէ ցնորւում էի:

Պառաւ, ըստ երևոյթին վախեցած իմ գրգռած դրու-
թիւնից, երկիւղով նկատեց.

— Սալիբը ուզում է գնալ գիշեր ժամանակ: Աւելի լաւ չէ՞
սպասել մինչև առաւօտ:

Ես հանեցի ժամացույցս և նայեցի: Նա ցոյց էր տալիս
տասներկուսից հինգ ըոպէ անց: Երբ ես նստեցի հայելում նա-
յելու համար, կէս գիշերին տասը ըոպէ էր ուզում: Ասել է,
գեռ ուսուցիչս չ'եկած, որի գալուն բոլորովին հաւատացած էի,
իմ հոկոմս և գրգռած երեւկայութեանս բոլոր խառնակու-
թիւնը մի քառորդ ժամ հաղիւ էր տւել: Իսկապէս, քնել և
տեսել էի այդ բոլոր ծաղկեայ երազները հինգ ըոպէի ժամա-
նակամիջոցում: Ի՜նչքան պատկերներ, ի՜նչքան շօշափմունք-
ներ: Իրօք, տարիները կարող էին տեղաւորել մի վայրկեանի
մէջ:

Ես լետ ուղարկեցի ծառայիս, պառկեցայ և մեռածի նման
քնած մնացի մինչև առաւօտ...

Ջարթնելուս պէս, շտապով հագնեցայ, նախաճաշեցի և
վազեցի Դրհմա-Սաստրիի մօտ: Ես ամենևին չէի կասկածում,
որ նա անցած գիշեր այցելել էր ինձ, բռնել էր ինձ իմ մաք-
սանենգութեան պարապմունքի մէջ և թափել էր իմ վրայ
մոգական մի երազ, որի մէջ ես տեսայ մեր զբօսանքը, և նրան
յաջորդող բաները:

Մօտենալով՝ նախ աչքիս ընկաւ հեռւից նրա սանիկին:
Պատանին նստած էր բէնգլօուի մօտքի աստիճանների վրայ:
Ինձ տեսնելով, վեր կացաւ և գիմացս եկաւ: Մօտիկից ես նը-
կատեցի, որ նրա դէմքը տխուր էր:

«Իհ, ի՜նչպէս է քո տէրը, — հարցրի, — կենդանի է, առ-
նղջ է»...

— Ոչինչ — պատասխանեց նա: — Հանդիստ է... Սպասում
եմ, յոյս ունիմ, որ երկու օրից կըզարթնի... Առանց նրան
սաստիկ տխուր է:

Մի քանի րոպէ ետ լուռ նայում էի տղայի երեսին, բայց նա անկիրք, խաղաղ անթափանցիկ էր, ինչպէս միշտ: Այնպէս լուռ հետեւեցի նրան դուրոււի բէնգլօուն...

Հնդիկը շարունակում էր պառկած մնալ իր չոր տեղի վրայ առաջնայ նման անշարժ, բոլորովին անզգայ, ինչպէս չորս օր առաջ: Ես երկար, տարակուսութեան մէջ նայում էի մերթ նրա և մերթ սանիկի վրայ, ոչինչ չըհասկանալով, և լուռ հեռացայ, խնդրելով պատանուն, որ երբ տէրն արթնանայ, իսկոյն ինձ իմաց տայ: Գժևար էր համոզուել, որ նրա ինձ մօտ դալն հասարակ երազ էր...

Իմ վերջին այցելութիւնից չետ, ինչպէս ես սպասում էի, Գհրմա-Սաստրին արթնացաւ երրորդ օրը և ինքը եկաւ ինձ մօտ, ուրախ և աշխոյժ:

Առաջին հարցս եղաւ.

—Այդ դուք էք, թէ էլի ձեր կրկնակը:

—Ոչ, այս անգամ ձեր առաջ ես ինքս եմ, սեփական մարմնովս,—ժպտալով պատասխանեց նա,—կարող էք ձեռքս սեղմել:

Ես այդպէս էլ արի, ուժգին թափ տալով, և արդէն պատրաստուում էի հարց ու փորձ անել, թէ ինչ էր ինձ պատահել, երբ նա ինքը, հարցմունքի չըսպասելով, ասաց ինձ խորամանկ հայեացքով.

—Ա՛, դուք առանց ինձ բաներ էք արել, ձեր ճակատագիրն էիք ուզում իմանալ: Լաւ չէ: Այդ պատճառով էլ ձեզ վախեցրել են ոգիները և ծաղրատեղի դարձրել ինչպէս հարկն է... Կարգապահութեան այդպիսի խախտումը կարող է վնասել մեր պարապմունքին...

Ես նրա վրայ նայում էի հարցական կերպով, բացատրութիւնների սպասելով, բայց տեսնելով, որ նա լուռ է, հարցրի.

—Ասել է, դուք ինձ մօտ էիք և ամեն բան զիտէք:

—Այո՛, էի, իմ կամքով և մտքով ու միայն մի ցանկութեամբ...

Թեամբ պաշտպանել ձեզ այն բանից, որ տեսաք: Եւ ինչ կարիք կար գաղտնիքը մերկացնելու ձգտել—Ժպիտով ասաց Գհրմա-Սաստրին:—Այն ժամանակ այդ բոլորը չէր պատահիլ, չէիք տեսնիլ ձեր անհանգիստ երսզը:

—Ասել է դուք ամեն բան դիտէք:—Բացականչեցի ես:—Ուրեմն ասացէք, ինչպէս մեկնեմ ես իմ տեսիլքը: Միթէ այն, ինչ որ ես տեսայ. պատասխան է իմ ցանկութեանը՝ իմանալ ինչ մահով կը մեռնեմ:

Գհրմա-Սաստրին կիտեց իր խիտ յօնքերը, նրա աչքերը միջնեցին, և ամբողջ դէմքը մի վայրկեան ընդունեց մի սաստիկ, սպառնալից պատկեր:

—Դուք դիտէք, ասաց նա, խստութեամբ ինձ նայելով—որ ես թշնամի եմ ամենայն տեսակ նախագուշակութեան և ոչ ոքին խորհուրդ չեմ տալիս իմանալ զայլիքը: Պարապենք աւելի լաւ է մեր զործով, իսկ դուք միեւնոյն ժամանակ աշխատեցէք մոռանալ ձեր աննպատակ մոգութիւնը: Յաւիտեան ջնջեցէք ձեր լիշողութիւնից անցեալ դիշերը...

Այդ բանի վրայ ձեռագիրը վերջանում էր...

Ի հարկէ, այս ամբողջ պատմութեան մէջ ամենազարմանալին այն է, որ միտէր Թոմ Իսլինգտընը իրաւ կորաւ Չիկագոյում տեղի ունեցած բազմաթիւ հրդեհներից մէկում 1893 թ. ամառը:

Օր. Անտիս Եգեկեան





ՎԱՅԵԼԶԱԿԱՋՄԸ ԵՒ ԼՈՒՍԱԴԵՂԸ

Ա.



ին ժամանակներում ապրում էր մի թագա-
ւոր: Երկնքի աստղերին թիւ ու համար կար,
այս թագաւորի հարստութեան, քաղաքներին
ու զանձերին հաշիւ չըկար: Նա սիրում էր
ժողովրդին և սիրած էր նրանից: Ամեն մի
հրաման, ամեն մի թագաւորի պատուէրը կա-
տարում էր ժողովուրդը առանց դժարանալու,
առանց դժգոհութիւն յայտնելու: Չընայելով
սրան՝ թագաւորը կանչում է մի օր իր վեղի-
րին և ասում. «Քանի որ ջահիլ էի, ժողովուրդս ամենայն սրբու-
թեամբ կատարում էր բոլոր պատուէրներս և սիրով վերաբերում
գէպի ինձ, այժմ ծերացել եմ և կարծում եմ, որ բախտս էլ
ծերացել է ինձ հետ, ուստի ուզում եմ փորձել թէ արդեօք իմ
ժողովուրդը սիրում է ինձ այնպէս, ինչպէս ջահիլ ժամանակս:
Այսօր մօռնետիկ գցել տուր մայրաքաղաքիս փողոցները և նրա
բերանով յայտարարիր համայն ժողովրդին հետևեալը. «Թագա-
ւորին սիրողը այս երեկոյ իր տանը կրակ չըվառէ, արևը մայր
մտնելուն պէս՝ իր գիշերային պատրաստութիւնը տեսնի, ընթ-
րիքն անէ և առանց ճրագլուսի՝ պատրաստւի քնելու»:

Պատուէրը կատարւած էր: Երբ գիշերային խաւարը տիրեց
երկրին, թագաւորը նորից կանչեց վեղերին և նրա հետ գէր-
ւիշի շորեր հագած՝ դուրս եկաւ փողոց անձամբ ստուգելու
փորձը: Խաւարը և խորին լուռութիւնը տիրում էր չորս կողմը:
Կարծես քաղաքը սուգ էր մտել և զգեստաւորւել ոտից մինչը
գլուխ բնութեան սև քողով: Գպտեալ թագաւորը և վեղերը
շատ ման եկան, շատ աչք ման ածեցին այս կողմ, այն կողմ,

բայց ոչ մի տեղ կրակի հետք չընշմարեցին: Պատուէրը ճշտութեամբ կատարւած տեսնելով, նրանք կամենում էին վերադառնալ արքունիք, բայց ահա ինչ-որ մի ստորերկրեայ, գետնափոր խրճիթի ցածլիկ լուսամուտներէց նշմարեցաւ մի աղօտ լոյս:

— Ես չէի ասում, որ իմ բախտը ծերացած կըլինի ինձ հետ և ժողովուրդը իմ պատուէրս այնպէս չի կատարել, ինչպէս ջահէլ ժամանակս էր կատարում, շշնջաց թագաւորը վէզիբի ականջին և քայլերը ուղղեց դէպի գետնափոր խրճիթը:

Պահ-կարասիքից զուրկ, աղքատ խրճիթի ներսը փայլփլելով վառւում էր ճրագը՝ աղօտ լոյս սփռելով իր շուրջը: Խրճիթի մի կողմը հինւած էր արևելեան ճաշակով մի փառաւոր խալիչայ, որի առաջ նստած էին երեք մատաղահաս օրիորդներ և իրանց ճարպիկ մատներովն զօրծում էին ամենայն արագութեամբ: Հմուտ մատների շարժումը և անդադար մկուքի թփթփոցը չէր խանգարում նրանց քաղցր զրուցներ անելու: Թագաւորը այս տեսարանով հետաքրքրւած, ականջը դէմ արեց գետնահաւասար լուսամուտի փեղկին և սկսեց ամենայն ուշադրութեամբ լսել նրանց խօսակցութիւնը:

Օրիորդներից անդրանիկն ասաց. «Աղջիկներ, թագաւորն որ ինձ առնի, այնպիսի մի խալիչայ կըգործեմ, որ բոլոր իր արքունականներով նստի վրան, դեռ խալիչայ մի կողմը ծալած մնայ:

Միջակն ասաց. «Թագաւորն որ ինձ առնի, այնպիսի մի վրան կըգործեմ, որ իր զօրքով ամբողջովին մտնի վրանը, բայց էլի մի կողմը դատարկ մնայ»:

Փոքրն ասաց. «Զէ, ես ինչ պարծենամ. ոչ այն կարող եմ անել և ոչ այն. թագաւորն որ ինձ առնի, Աստուծոյ ամենակարող զօրութիւնով այնպիսի մի ոսկէ մագաւոր տղայ և ոսկէ մագաւոր աղջիկ կըբերեմ, որ արեգակին կ'ասեն. — Արև, դու մի՛ դուրս գայ, որ մենք ենք դուրս գալու»:

Թագաւորն այս խօսքերը լսելուն պէս՝ հրամայեց վէզիբին նշնել խրճիթի դուռը և շտապով հեռանալ:

Հետևեալ առաւօտը կանչեցաւ օրիորդների հայրը և ներկայացաւ թագաւորին: Գլուխը կոր, աչքերը դէպ գետին խոնարհած՝ կանգնել էր նա թագաւորի առաջին և սրտատրոփ սպասում իր դատաւճռին:

—Այ մարդ, դու քանի գլխու տէր ես, որ իմ պատւէրիս հակառակ քո տանը այս երեկոյ՝ կրակ էիր վառել, խօսեց թագաւորը:

—Տէր իմ, թող տուր երկու խօսք ասելու, հազիւ լսելի ձայնով արտասանեց պարտադանցը:

—Խօսիր.

—Ես մի բէկ քիւրդի պարտապան եմ: Այս գիշեր նրա աղջկան հօրս էին տանում: Նա եկաւ իմ մօտ և պատւիրեց որ իր աղջկայ օժիտի համար հարկաւոր է մի խալիչայ. եթէ մինչև առաւօտ կարողացան իմ աղջիկները այդ խալիչան պատրաստել՝ լաւ, իսկ եթէ ոչ՝ նա պարտքի տեղ կրտանի իմ աղջիկներից նրան, որին որ հաւանի: Այդ պատճառով ես էլ լաւ համարեցի, որ իմ գլուխը թագաւորի դահճի սրին զոհ գնայ, քան թէ քիւրդ բէկը իմ աղջիկը յափշտակէ, և քո պատւէրին հակառակ գնալով, պատւիրեցի աղջիկներիս պատրաստել խալիչան:

—Լաւ, եթէ ես քո յանցանքը ներեմ, քո աղջիկներից մեծը՝ վէզիրիս, միջակը՝ նէզիրիս և փոքրը՝ ինձ կ'նութեան կրտաս, ասաց թագաւորը:

Խօսակիցը չբաւարարւով իր ականջներին, որ այդպիսի խօսքեր թագաւորի բերանից է լսում, կ'սագստմացական և կ'իսաահարցական նայածքով սպասողական դիրք էր բռնել:

—Այ մարդ, խօսիր, է, ինչ ես պէլացել. կրտաս քո՝ աղջիկներից մեծը՝ վէզիրիս, միջակը՝ նէզիրիս և փոքրը՝ ինձ կ'նութեան, կրկնեց թագաւորը իր հարցը:

—Տէր իմ. փոխանակ ծաղրելու, պատժիր ինձ, ինչպէս կ'ամենաս:

—Չէ, հաւատո՞ւ ինձ, որ անկեղծ սրտից եմ բղիւում այս խօսքերը և 'ի նշան զրա, տո՛ւր ինձ ձեռք. ասաց թագաւորը և սեղմեց իր երկու ափի մէջ խօսակցի աջ ձեռը, որ բարեկամութեան նշան է համարւում:

—Ա՜հ, խօսք տալիս ես, կրտաս.

—Տէր իմ, քո կամքն է.

—Չէ, քո կամքն է.

—Չէ, քո կամքն էլ պիտի լինի:

—Երբ քո ցանկութիւնն է, ես ինչ կարող եմ որ կամք չըտամ:

—Ուրեմն համաձայն ես.

—Այո, կ'իսաձայն պատասխանեց թագաւորի աները:

(Կըշարուակի)

Յուանդ Մովսիսեան



Բ Ն Ա Փ Ի Տ Ա Կ Ա Ն Զ Ր Ո Յ Յ Ն Ե Ր

XII

Ձիւնապատ լեռները չեն մեծանում:



Մենք արդէն գիտենք, որ քանի վերև բարձրանանք՝ այնքան էլ ցուրտ կրլինի: Ահա այդ պատճառով բարձր լեռներին—(օր. Մասիսը, Արագածը, Ալպեան՝, Աովկասեան և Հիմալայեան լեռնաշղթաները)—վրայի ձիւնը երբէք չի հալչում:

Ընթերցողը դրանից կարող է եզրակացնել, որ ձիւնապատ լեռները հետզհետէ մեծանում են, որովհետև նրանց վրայի ձեան շերտերը կարող են աւելի ու աւելի հաստանալ նոր թափւող ձիւնից...

Սակայն այդ եզրակացութիւնը սխալ կրլինի և ահա թէ ինչու. հետզհետէ թափւող ձեան փաթիլները շարունակ չեն մնում լեռներին վրայ. ժամանակի ընթացքում նրանք միանում — ձուլւում են իրար հետ և կազմում են հիւսիս—կիսասառցային կտորներ, որոնք իրանց ծանրութիւնը վերևում պահել չըկարողանալով, յանկարծ փուլ են գալիս և ահուելի դղրդիւնով, որոտաձայն աղմուկով գլորւում են դէպի ներքև, ճանապարհին ոչնչացնելով ամեն ինչ՝ թէ բուսականութիւն, թէ

բնակութիւնն: Այս հիւսերը այնպիսի արագութեամբ են զլորւում, որ նրանց շուրջը առաջ է գալիս ուժեղ քամի—մըրրիկ:

Պատմում են, որ մի անգամ Ալպեան լեռներէից ձեան հիւսը զլորելիս մի այնպիսի քամի բարձրացաւ, որ տակն ու վրայ արեց մօտակալ ջրաղացը և դէս ու դէն շարտեց նրա ահագին քարերը: Դատ անգամ պատահում է, որ աւերիչ հիւսը ճանապարհորդում է անտառի միջով և այդ ժամանակ վայ հանդիպող ծառերին:

1846 թ. Ալպեան լեռներէից պոկեց ձեան մի մեծ հիւս, զլորեց դէպի անտառը և այնտեղ ոչնչացրեց 15,000 ծառ (մայրի):

1749 թ. մի այդպիսի հիւս Գրաուբինդէն գաւառում—(Ջուլիցերիա)—աւերեց ամբողջ գիւղը... բոլոր բնակիչներից ազատւեցին միայն 60 հոգի:

Վերջապէս մեր Կովկասեան լեռներն էլ այդ բանում միւսներէից յետ չեն մնում: Գրեթէ տարին մի քանի անգամ վայր ընկնող ձեան հիւսերը փակում են դէպի Վլադիկաւկազ տանող ճանապարհը—(Գարիալեան կիրճ):

Գրանք երբեմն մարդկանց էլ են տակովն անում և ուրիշ շատ դժբախտութիւնների պատճառ դառնում:

Այդ բոլոր օրինակներն արդէն ցոյց են տալիս, որ ձիւնապատ լեռները չեն կարող մեծանալ, որովհետեւ նրանց վրայ զիզող ձիւնը, թէև չի հալչում, բայց դարձեալ ներքև է իջնում մեծ-մեծ հիւսեր կազմելով:

Ս. Թովչեան





Ս Ո Ւ Ա Կ Ի Ն

Սիրուն սոխակ, մի իսխիլ,
 Քեզ փակել են վանդակում,
 Կրգայ շուտով սիրուն գարուն
 Երբ կրթուչես դառնեսում:
 Կերթաս նորից դառն ու անսառ
 Որք ձագերիդ կրսիրես.
 Եւ քո նախկին քանդած բունը
 Փետուրներով կրբինես:
 Դու ալնունես քո ձագերին
 Կրթողնես ազատ թռչելու
 Ու չար մարդկանց վանդակից
 Իրանց հեռու պահելու:

Յ. Բարսիսանեան


Խ Ե Լ Օ Բ Ն Ո Ւ յ Ի մ ա ր ր

Մի անգամ խելօքքը ասաց յիմարին.
 — Խելօք կաց, քե չե ականջիցդ կրբրո-
 նեմ ու սարկասար ման կածեմ:
 Յիմարը պատասխանեց.
 — Դու էլ խօւմ ինձ հետ ման կրգաս:
 — Այո՛, ասաց խելօքքը:
 — Ուրեմն իմացիր, որ դու էլ ինձ պես
 յիմար կրլինես:

Յ. Բ.



Պատեցէ՛ք բովանդակութիւնը



ՁԻԱՐՃԱԼԻՔ

ՀԱՆԵԼՈՒԿՆԵՐ

Առաջ. Գ. Բաբուրեանցի.

21) Երկու վանկ, կամ թէ՛ հինգ հատ տառ՝
 —Այդ պտուղ է շատ համեղ.
 Երբ որ անցնի գարուն, ամառ՝
 Նա կըլինի ամեն տեղ:
 Սկզբի երեք տառը՝ անուն
 Մանկանց սիրած մի բանի,
 Իսկ երկուսը՝ կինն իր գլխին,
 Ուր որ գընայ՝ կըտանի:

Առաջ. Ս. Հինաեկեանցի.

22) Գտած բառս է երկվանկանի,
 Հոսող մի գետ Հայաստանի.
 Եթէ սկզբում դուք այդ բառի
 Բաղաձայն մի գիր աւելացնէք,
 Այն ժամանակ մի անւանի
 Անուն կըստանաք ձեզ քաջ յայտնի:

(Փ ո ղ ո վ Ր դ ա կ ա ն)

Առաջ. Նոյնի.

23) Զնչաւոր ասեմ, շնչաւոր չի,

Թըռչուն ասեմ, Թըռչուն չի.

Ոչ զլուխ ունի, ոչ Թւեր

Եւ լողում է միշտ վեր-վեր.

Ապա եթէ ձախից կարդաք՝

Քաղաքի անուն դուք կըստանաք:

Թ Ի Ա Բ Ա Ն Ա Կ Ա Ն Ի Ն Դ Ի Բ Ն Ե Բ

Առաջ. Գ. Բաբուրեանցի.

24) Մի մարդ ունէր 25 ըուբլի: Այդ փողով նա բանւոր-մշակներ վարձեց Թւով 25 հոգի. — մարդը՝ 3 ըուբլիով, կինը՝ 50 կ., իսկ երեխաները՝ 25-ական կոպէկով: Նա՞րքան մարդ, կին և երեխայ վարձեց:

Առաջ. Յովհ. Ճաղարբէգեանցի.

II

25)

I	4	ւ	Ի	Գ	ւ	ժ	ժ	ա	ւ

Այս քառակուսիներում դետեղել
3 ա. 2 ե. 1 գ. 4 ն. 2 ս. 1
տ. 1 ը. 1 փ., այնպէս որ I-ից
կարդացւի մեր Հանգուցեալ
Հրապարակախօսներից մէկի ա-
նունը, իսկ II-ից ազգանունը:

Նախընթաց «Աղբիւրի» № 3-ի Հանելուկների բացատրութիւնը. 15)
18)

3		
2	1	5
4		

 Պատմէշ. պատ, էշ. 16) Աննա, ան, նա. 17) սար. 19)
12 աշակերտուհի. 20) 125,829 ը. 12 կ.:

Խմբագիր-հրատարակիչ՝ ՏԻԳՐԱՆ ՆԱԶԱՐԵԱՆ

Дозволено цензурою. Тифлисъ, 23-го апрѣля 1897 года.
Типографія И. Мартиросіанца, Орб. ул. д. № 1—2.

IV

«Յայտագիր Դաւթեան գործակա-
ղութեան և գրացուցակ»: Միջա-
դիր, 32 էջ. տպագրւած է Կ. Պո-
լիս, սոյն թւին:

V

ԲԺ. Թադէոս Զաքարեան. «Ամուս-
նական առողջապահութիւն»: Մի-
ջադիր, 60 էջ. տպագրւած է
Թիֆլիսում սոյն թւին. Մ. Ռօտի-
նեանցի տպարանում. գինը 25 կոպ.:

VI

Քամայեանց Ս. «Հողածին և
անմեռ աշխարհք» («Աղբիւրից»):
Միջադիր, 32 էջ. Տպագրւած
է Թիֆլիսում սոյն թւին, Յ.
Մարտիրոսեանցի տպարանում. գինը
8 կոպ.:

VII

Մանկական գրադարան. «Նապաս-
տակի և ոգնու գրապը» (գունա-

ւոր պատկերներով). Հրատ. Թիֆ-
լիսում. ընկերութեան. Մեծադիր է,
16 էջ, տպագրւած Թիֆլիսում
սոյն թւին, Մ. Ռօտինեանցի տպա-
րանում, գինը 40 կոպ.:

VIII

*Archac Tchobanian. L'Armé-
nie, son histoire, sa littéra-
ture, son role Orient. Avec
une introduction par Anatole
France. Paris. Sociéte du Mer-
cure de France. 1897.*

IX

Պրոֆ. Մողիստ Բողոյանով. «Խըժ-
ւողներ». Մարդուս մօտ բնակւող
կենդանիների կեանքից համառօտ
նկարագիրներ(Պատկերներով): Ազատ
թարգմանեց Լևոն Մելիք-Աղա-
մեանց: Մեծադիր է, 168 էջ. տպա-
գրւած է սոյն թւին, Թիֆլիսում
Յ. Մարտիրոսեանցի տպարանում:
Գինը 50 կոպ.:

Աղբիւր-Տարագի գրասենեակում վաճառուով են

Բ. Կ.

ԱԼԲՈՄ-ԱԼՄԱՆԱԽ 4 գոյնով, ազգ. և այլն 101 պատկեր. 2 ր. փոխ. 1 25	
ՍԵՍՈՒՆԻ ԿԵԱՔԻՅ—Ծերենցի Երկունք IX դարու (սակաւաթիւ) . . . 2 —	
Ղ. ԱՂԱՅԵԱՆՅ. Բանաստեղծութիւններ 1 ր. 50 կ. փոխարէն . . . 1 —	
ՅՈՎՀ. ԹՈՒՄԱՆԵԱՆՅ. Բանաստեղծութիւններ 60 կ. փոխ. . . — 30	
ՍՐԻՆԳ. Բնութեան երգեր և Բանաստեղծութիւններ 80 կ. փոխ. — 50	
Ս. ԻՃՄԻՐԼԵԱՆԻ Ճենապակու վրայ պատկերը (սակաւաթիւ). . . 10 —	
ԳՐԻԳՈՐ ԱՐԾՐՈՒՆՈՒ պատկերը 6 ր. փոխ. 4 —	
ԲԵՐԿՐԱՆՔ, խրօմօ-ակարել, ՈՒՖԱՅԷԼԻ Մաղօսաններ, հրեշտակներ, ՐՈՒԲԷՆՍԻ Յիսուս և Տիրամայր, ՀԷՔՍՊՈՒՐԻ Րօմէօ-Չուլիէթ թափան- ցիկ լուսի դէմ նկար, ընդամենը 8 պատկեր. 2 ր. փոխարէն . . . — 60	
ՄԻՔԱՅԷԼ ՆԱԼԵՆԴԵԱՆՅԻ մեծադիր փօտտօ-գրաւիւր պատկերը . . 1 20	
ՀԱՐԷՄԻ ԱՂՋԻԿԸ ոսկէ շղթաներում — 50	
ՄԱՅՐԱԿԻ ՆԱԶԱՐԱՆՈՒՄ խրօմօ 1 30	
ՉՄԵՌ — 20	
ԱՐՏԱԶԷՍ Բ. Թագաւորի մուտքը ի հռոմ. — 30	

«Ա Ղ Բ Ի Ի Ր»

Միամսեայ պատկերազարդ

ՀԱՆՏԻՍ

Տարեկան գինը 3 ռ. (առասանման 4 ռ.)

Հասցէն՝ Тифлисъ.

Редакция Агбюръ.

Աղբիւր-Տարազի

գրասենեակում Իսախայից եւ Քրանսիայից ստացւել են մեծ քանակութեամբ 200 հետակից աւելի *одеждъ* փական շաւ գեղեցիկ **ՊԱՏԿԵՐՆԵՐ**, հասք հանապարհածախսով 30 կ. մինչ 3 ռ.

Մրբագան Իզմիրլեան պահարկի

ՄԵԾԱԳԻՐ ՊԱՏԿԵՐԸ

նկար Ս. Սողոմոնեանի

Վաճառւում է Աղբիւր-Տարազի խմբագրութեան գրասենեակում, ճանապարհաճախսով 1 ռ.

Հայաստանից փախած մի հայ

ԼԻՍՅԱՐԱՐՈՒՀԻ

յանձն է առնում ընտանիքներում լւանալ ներմակեղէն եւ հասարակ ուրածփ,

օրական 40 կոպ. վարձ առնելով:

Հասցէն Տարազի գրասենեակում:

ԱԼԲՈՄ-ԱԼՄԱՆԱԽ

4 գոյնով տպագրւած, 64 թերթիկներով վրայ, 101 հետաքրքիր և գեղեցիկ պատկերներ, նկարներ

Գինը 2 ռ.

Աղբիւր և Տարազի 96 և 97 թ. բաժանորդների համար 1 ռ. 25 կ.

Դիմել՝ Тифлисъ, Агбюръ կամ Таразъ.

ՎԵՀԱՓԱՌ ԿԱԹՈՒՂԻԿՈՍԻ

Ճենապակու վրայ պատկերը վաճառւում է հատը 6 ռ. ճանապարհաճախսով:

ՊԵՏ. ՄԱՃՈՒԵԱՆՑ

գին.

Բանաստեղծութիւններ 25 կ.

Վշտի աղբիւրից (սակաւած.) 5 >

Վաճառւում է Թիֆլիսում Կենդրոնական և Զ Գրիգորեանցի գրա-վաճառանոցներում. Բազում ձիրագետի և Նրեան՝ Գաղամեանի մօտ:

Գումարով առնողներին զիջումն կրկին: 5-5

Թիֆլիսի Կենդրոնական եւ Կովկասեան գանազան բաղանների գրախանաւանոցներում ծախւում է

Ը Տ Ր Պ Ե Տ Ի

«Ալմաստ» վէպ բարձր-Հայոց կեանքից. գինն է. 2 ռ.

«Խել-Կարապետ» վէպ Հայ-կաթողիկեների կեանքից. 1 ռ.

«Զուլեան» ողբերգ. օպերայի համար թուրք Հայոց կեանքից. 1 ռ.

«Սարրաֆ» ողբերգութիւն տաճկ. պատ. կեանքից. 30 կ.